



Sensibilité politique  
Boîte postale 83  
L-7201 Bereldange

Fernand ETGEN  
President vun der Deputéiertechamber  
19, um Krautmaart  
L-1728 Lëtzebuerg

CHAMBRE DES DÉPUTÉS

Entrée le :

10 OCT. 2019

1310

Lëtzebuerg, den 10/10/2019

Här President,

**Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Gesondheet & Umwelt, Klima a nohalteg Entwécklung weiderzeleeden.**

Aktuell kann een zu Lëtzebuerg ofgelafe Medikamenter an de Recyclingszentere souwéi op d'Sammelstelle vun der Superdrecks-këscht ofginn. Och a verschidde Apdikte besteet d'Méiglechkeet, dass d'Clienten hir Medikamenter zeréckdroe kënnen. Allerdéngs ass dat net an allen Apdikten de Fall.

D'EU-Kommissioun huet an engem Communiqué un d'EU-Parlament an un den EU-Rot vum 11ten Mäerz 2019 d'Reduktioun vu Medikamentenoffäll als eng Prioritéit consideréiert. Notamment sollen déi bestéiend Sammelstrukturen analyséiert a verbessert ginn an och d'Éffentlechkeet besser doriwwer informéiert ginn, wéi a wou si Medikamenter konform entsuerge kënnen. D'Regierung huet an de leschte Joren eng Réi Sensibiliséierungscampagnen zu dësem Thema lancéiert.

An deem Zesammenhang wéilt ech de Ministeren dës Froe stellen:

1. Wäert d'Regierung eppes ënnerhuelen, fir dass all d'Apdikten hei am Land dozou verpflichtet ginn, Medikamenter ze sammeln, fir esou eng propper Entsuerung ze erméiglechen?
  - Falls jo, wéi eng Mesurë gesäit d'Regierung vir, fir d'Apdikten heibäi ze ënnerstëtzen?
  - Falls nee, firwat gesäit d'Regierung dat als net néideg un?

Mat déiwem Respekt,

GOERGEN Marc  
Député



[www.piraten.lu](http://www.piraten.lu)



LE GOUVERNEMENT  
DU GRAND-DUCHÉ DE LUXEMBOURG  
Ministère de la Santé

Dossier suivi par: JOME Laurent  
Tel: 247 85510  
Email: laurent.jome@ms.etat.lu



Monsieur le Ministre  
aux Relations avec le Parlement  
Service central de Législation  
5, rue Plaetis  
L – 2338 Luxembourg

Luxembourg, le 15 novembre 2019

**Concerne:** Question parlementaire n° 1310 du 10 octobre 2019 de Monsieur le Député Marc Goergen  
**Réf. :** 829x5b4ae

Monsieur le Ministre,

J'ai l'honneur de vous faire parvenir en annexe la réponse de Madame la Ministre de l'Environnement, du Climat et du Développement durable et du soussigné à la question parlementaire n° 1310 du 10 octobre 2019 de Monsieur le Député Marc Goergen concernant le "Retour des médicaments périmés ou inutilisés".

Veillez agréer, Monsieur le Ministre, l'assurance de ma considération très distinguée.

Pour le Ministre de la Santé,

Laurent JOMÉ

Premier Conseiller de Gouvernement



**Gemeinsam Äntwert vun der Ministesch fir Ëmwelt, Klima a nohalteg Entwécklung an dem  
Gesondheitsminister op d'parlamentaresch Ufro n°1310 vum 10. Oktober 2019 vun dem éierbaren  
Deputéierten Här Marc Goergen**

Zu Lëtzebuerg ginn al Medikamenter zanter 1985 am Kader vun der SuperDrecksKëscht agesammelt, sief et iwwert déi mobil Sammlungen, déi regelméisseg an den Uertschaften gemaach ginn, sief et iwwert déi stationär Sammlungen an de Recyclingcenteren.

Donieft besteet zanter Mee 2000, also zanter bal 20 Joer, eng Kooperatioun mat den Apdikten, fir och do al Medikamenter anzesammelen. D'Apdikten ginn d'Medikamenter iwwert d'Grousshändler un d'SuperdrecksKëscht. Well d'Grousshändler d'Apdikten beliwweren an doduerch e puer mol den Dag laanscht kommen, ginn d'Apdikter hinnen déi periméiert an triéiert Medikamenter mat, an d'Grousshändler droen se dann an d'SuperdrecksKëscht. Vu 97 Apdikte maachen der momentan 94 an där Kooperatioun mat.

Am Joer 1993 sinn insgesamt 17,57 Tonnen al Medikamenter duerch d'SuperDrecksKëscht agesammelt ginn. 2018 waren et der 172,94 Tonnen. An dëse Quantitéite sinn och nët gebrauchte Kosmetik-Artikele mat dran. Vu Januar bis September 2019 goufe schonns 148,6 Tonnen agesammelt. Dat sinn 10,6% méi ewéi am selwechten Zäitraum 2018.

Mat de bestoende Sammlunge vun der SuperDrecksKëscht an dem Fait, datt praktesch all Apdikter och al Medikamenter unhëlt, huet Lëtzebuerg e flächendeckend an effikas System fir al Medikamenter separat anzesammelen, wat sech am europäesche Verglach op enger Spëtzeplaz behapte kann.

Dës Prozedur berout bis elo um gudden Wëlle vun de verschiddenen Acteuren. Am Kader vum zukünftege Gesetz iwwert de Fonctionnement vun den Apdikten (Apotheken-Betriebsordnung), deem am Koalitionsaccord 2018-2023 virgesinn ass, gëtt dëse Punkt awer och definitiv geregelt.